



# CÔD YMARFER HYFFORDDIANT MEWN SWYDD

(Elfennau 2.1 – 2.4 o Rhan A y CLG Uwchradd)

# HYFFORDDIANT MEWN SWYDD CÔD YMARFER

(Elfennau 2.1 – 2.4 o Rhan A y CLG Uwchradd)

<b>RHAGLEN FLYNYDDOL</b>	<ul style="list-style-type: none"><li>· Rhaglen HMS Flynyddol yn cael ei pharatoi ar sail trefn adnabod blaenoriaethau.</li><li>· Gosodir manylion am y Rhaglen HMS ar safwe CYNNAL erbyn y 1af o Fai.</li><li>· Bydd y rhaglen yn nodi teitl, dyddiad a lleoliad pob cwrs ac yn amlinellu'r nodau, amcanion a deilliannau.</li></ul>
<b>AGENDA</b>	<ul style="list-style-type: none"><li>· Rhoddir manylion am raglen y dydd bob cwrs ar safwe CYNNAL o leiaf 6 wythnos cyn dyddiad y cwrs.</li><li>· Bydd y manylion yn cynnwys:<ul style="list-style-type: none"><li>– rhaglen y dydd yn nodi amserlen fras;</li><li>– unrhyw anghenion ar gyfer y cwrs;</li><li>– lleoliad y cwrs.</li></ul></li></ul>
<b>GWYBODAETH YMLAEN LLAW</b>	<ul style="list-style-type: none"><li>· Swyddfa CYNNAL sy'n trefnu'r ymweliad gyda'r Tiwtor Proffesiynol.</li><li>· Ceisiadau am ymweliadau i'w derbyn ar ddechrau'r flwyddyn ariannol gyda'r hyblygrwydd i gyflwyno ceisiadau ychwanegol ar ddechrau pob tymor.</li><li>· Anfonir ffurflenni briffio i'r ysgolion yn dymhorol.</li><li>· Cofnodir yr ymweliadau ar Safle Cynhaliaeth CYNNAL.</li><li>· Taflenni briffio manwl i'w cyflwyno 6 wythnos o flaen llaw.</li></ul>
<b>COFRESTRU</b>	<ul style="list-style-type: none"><li>· Bydd disgwyl i ysgolion gofrestru'n electronig ar safwe CYNNAL erbyn y dyddiad a nodir.</li><li>· Rhoddir cyfle i ysgolion nodi anghenion y sawl fydd yn mynychu'r cwrs o ran bwyd, anabledd, cyfieithu a map lleoliad.</li><li>· Bydd disgwyl i ysgolion hysbysu CYNNAL o unrhyw newidiadau, e.e. newid enw aelod cwrs, aelod cwrs ddim yn mynychu.</li><li>· Bydd disgwyl i bawb sydd yn mynychu cwrs lofnodi cofrestr ar y diwrnod.</li></ul>
<b>NEWID DYDDIAD, GOHIRIO A DILEU CYRSIAU</b>	<ul style="list-style-type: none"><li>· Dilëir cyrsiau am y rhesymau a ganlyn yn unig:<ul style="list-style-type: none"><li>– diffyg ymateb gan ysgolion – caiff cyrsiau sirol sydd â llai na 8 wedi cofrestru erbyn y pumed diwrnod gwaith cyn y cwrs eu dileu. Hysbysir yr ysgolion sydd wedi cofrestru erbyn y trydydd diwrnod gwaith cyn dyddiad y cwrs.</li><li>– anallu darparwyr y cwrs i fod yn bresennol oherwydd, e.e. salwch, profedigaeth ac ati. Lle mae'n bosibl gweithredir yn unol â'r drefn a amlinellir uchod gan roi digon o rybudd i ysgolion. Fe fydd rhai achosion pan na fydd yn bosib hysbysu ysgolion o flaen llaw.</li></ul></li><li>· Pan fydd angen newid dyddiad neu ohirio cyrsiau hysbysir ysgolion trwy e-bost i'r Tiwtor Proffesiynol.</li></ul>
<b>LLEOLIAD</b>	<ul style="list-style-type: none"><li>· Lleolir cyrsiau mewn mannau sydd mor gyfleus â phosib ar gyfer holl ysgolion y Gymdeithas yn ôl gofynion y cwrs.</li></ul>

<b>CYFLWYNO'R SESIYNAU HMS</b>	<ul style="list-style-type: none"><li>· Pan ddarperir cyrsiau gan ymgynghorwyr CYNNAL cyflwynir y cyrsiau trwy gyfrwng y Gymraeg a darperir gwasanaeth cyfieithu ar y pryd os bydd gofyn. Pan na fydd yn bosib darparu cyfieithydd cyflwynir y cwrs yn ddwyieithog. Yn yr achosion lle mae darparwyr allanol yn ddi-Gymraeg, Saesneg fydd cyfrwng y cwrs a darperir cyfieithydd os bydd angen.</li><li>· Darperir taflenni i'w dosbarthu ar y cwrs yn y Gymraeg oni bai fod cais am gyfieithu wedi ei wneud wrth gofrestru ac yna paratwir taflenni dwyieithog.</li><li>· Neilltuir amser tua diwedd y cwrs i roi cyfle i'r aelodau adnabod pa ddilyniant sydd angen i'r cwrs. Dylai'r darparwr gynnig arweiniad yn hyn o beth.</li></ul>
<b>ARFARNU CYRSIAU</b>	<ul style="list-style-type: none"><li>· Rhoddir cyfle i bob unigolyn sydd wedi mynychu cwrs i gwblhau ffurflen arfarnu. Defnyddir taflenni arfarnu triphlyg er mwyn i'r darparwr, y Tiwtor Proffesiynol a'r aelod ei hun dderbyn copi.</li><li>· Crynhoir arfarniadau pob cwrs a'u gosod ar safwe CYNNAL o fewn 6 wythnos yn dilyn y cwrs.</li><li>· Darperir adroddiad blynyddol i'r ysgolion.</li></ul>
<b>TALU</b>	<ul style="list-style-type: none"><li>· Anfonir biliau i'r ysgolion ar sail yr enwau a gofrestrwyd o flaen llaw. Cytunir i ddileu cofrestrriad hyd at wythnos o flaen y cwrs. Yn achos cyrsiau Consortiwm anfonir biliau ar sail fformiwla a gytunir yn lleol.</li></ul>
<b>AR ÔL Y CWRS</b>	<ul style="list-style-type: none"><li>· Anfonir unrhyw ddogfennau ychwanegol perthnasol i'r cwrs yn uniongyrchol i'r aelodau o fewn mis i ddyddiad y cwrs.</li></ul>